

СРЕТЕНИЕ ГОСПОДА БОГА И СПАСА НАШЕГО ИИСУСА ХРИСТА

НА МАЛЕЙ ВЕЧЕРНИ

Стихиры, глас 1.

Подобен: Небесных чинов:

Неописанное Слово и пресущное, / небесными престолами носимое со славою, / приемлет на руки Симеон, вопия: / ныне отпусти мя, по глаголу Твоему Спасе, / верных спасение и наслаждение. **[Дважды.]**

Младенца видев Тя, вопияше чудный Симеон: / превечнаго Слова, от Отца рожденна, / страшуся и боюся руками моими объяти, Владыко: / но с миром раба Твоего иский, / ныне отпусти яко милосерд.

Ныне да отверзется дверь небесная: / Иже от Отца без семени рождься Бог Слово, / родися от Девы, / плоть прием челоуче волею, / обновити естество яко благ, / и посадити одесную Отца.

Слава, и ныне, глас 4, самогласен:

[Андреа Критскаго:] Днесь Священная Мати, / и святилища вышши, / во святилище прииде, / явльшая миру Законодавца, и закона Творца, / Егоже на руки прием старец Симеон, радуяся взываше: / ныне отпускаеши раба Твоего, яко видех Тя Спасе душ наших.

На стиховне стихиры, глас 2:

Подобен: ДOME Евфрафов:

Днесь Спаситель, / яко Младенец / принесен бысть в церковь Господню: / и руками престарелыми / старец Того подъемлет.

Стих: Ныне отпускаеши раба Твоего, Владыко, по глаголу Твоему с миром.

Угль проявлейся, / Божественному Исаии Христос, / яко клещами / руками Богородицы, / ныне старцу дается.

Стих: Свет во откровение языков, и славу людей Твоих Израиля.

Страхом же и радостию, / на руках Владыку, / Симеон держа, / живота прошаше разрешения, / поя Богоматерь.

Слава, и ныне, глас и подобен тойже:

Приими, о Симеоне! / Всечистая вопияше, / во объятия яко Младенца / Господа славы, / и мира спасение.

Тропарь, глас 1:

Радуйся благодатная Богородице Дево, / из Тебе бо возсия Солнце правды Христос Бог наш, / просвещающий суция во тьме: / веселися и ты старче праведный, / приемый во объятия Свободителя душ наших, / дарующаго нам воскресение. **Таже, ектения малая. И отпуст.**

НА ВЕЛИЦЕЙ ВЕЧЕРНИ,

Блажен муж: 1-й антифон.

На Господи воззвах, поем стихиры на 8,

Глас 1-й самогласны: [Германа патриарха:]

Глаголи Симеоне, / Кого нося на руку в церкви радуешься? / Кому зовещи и вопиещи: / ныне свободихся, видех бо Спаса моего: / Сей есть от Девы рождейся: / Сей есть от Бога Бог Слово, / воплотивыйся нас ради, / и спасый человека, / Тому поклонимся. [Трижды.]

Приими, Симеоне, / Егоже под мраком Моисей законополагающа, / провиде в Синаи, Младенца бывша, / закону повинующая: / Сей есть законом глаголавый, / Сей есть во пророцех реченный: / воплотивыйся нас ради, и спасый человека, / Тому поклонимся. [Трижды.]

Приидем и мы, песньми божественными Христа усящем, / и примем Его, / Егоже спасение Симеон виде, / Сей есть, Егоже Давид провозвести, / Сей есть во пророцех глаголавый: / воплотивыйся нас ради, и законом вещавый, / Тому поклонимся. [Дважды.]

Слава, и ныне, глас 6.

[Иоанна монаха:] Да отверзется дверь небесная днесь: / безначальное бо Слово Отчее, / начало примим под леты, / не отступль Своего Божества, / от Девы яко Младенец четырехдесятодневен, / Материю вольне приносится / в церковь законную: / и Сего на руки приемлет старец, / отпусти зовый раба Владыко: / ибо очи мои видеста спасение Твое. / Пришедый в мир спасти род человекъ, / Господи слава Тебе.

Вход. Прокимен дне: и чтения 3.

Исхода чтение. [Главы 12 и 13:]

Глагола Господь к Моисею в день он, вонъже изведе сыны Израилевы от земли Египетския, глаголяй: Освяти Мне всякаго первенца перворожденного, разверзающаго ложесна в сынех Израилевых. И иде Моисей, и собра вся люди, и рече: Помните день сей, вонъже изыдете от земли Египетския, из дому работы. рукою бо крепкою Господь изведе нас оттуду: И сохраните закон Его. И будет, аще яко аще введет вас Бог в землю Хананейску, имже образом клятятся отцем твоим. И отлучиши всякаго первороднаго, разверзающаго ложесна, мужеск пол Господу. И будет, яко аще вопросит тя по сих сын твой, глаголя: что сие? и речеши ему: яко рукою крепкою изведе нас Господь от земли Египетския, из дому работы. Егда бо ожесточи фараона не отпустити нас, поби Господь вся первородныя в земли Египетстей, от первородных человеческих, даже до первородных скотских. Сего ради аз жертву Господу приношу: всякаго отверзающаго ложесна, мужеска полу, и всякаго первороднаго сынов моих избавлю. И будет в знамение непоколебимо пред очима твоима. Яко тако рече Господь Бог Вседержитель: яко перворожденная сынов твоих даси Мне. И будет, всяк иже аще родит отроча мужеск пол, в день осмый обрежете ему плоть

крайнюю его: И тридесять и три дни не внидет во святилище Божие ко священнику, дондеже исполнятся дние очищения. И по сих принесеши Господу агня единоголетно, непорочно, во всесожжение, и птенца голубина, или горличишна, при дверех скинии свидения, ко святителю. Или вместо сих принесеши пред Господем два птенца голубина, или два горличища, и помолится о нем священник. Яко воздаяние воздающей сии Мне суть, от всех сынов Израилевых, и приях их, И освятих я Мне, вместо первородных Египетских, вонже день поразих всякаго первенца в земли Египетстей, от человека до скота: рече Бог Вышний Святыи Израилев.

Пророчества Исаина чтение. [Глава 6.]

Бысть в лето, в неже умре Озия царь, видех Господа сидяща на престоле висоце, и превознесенне, и исполнь дом славы Его. И серафими стояху окрест Его, шесть крил единому, и шесть крил другому. И двема убо покрываху лица своя, двема же покрываху ноги своя, и двема летаху. И взываху друг ко другу, и глаголаху: Свят, Свят, Свят Господь Саваоф, исполнь вся земля славы Его. И взятся наддверие от гласа имже вопияху, и дом исполнися дыма. И рех: о окаянный аз! Яко умилихся, яко человек сый, и нечисты устне имея, посреде людей нечистая устна имущих аз живу: и Царя Господа Саваофа видех очима моима. И послан бысть ко мне един от серафимов, и в руке своей имяше уголь огненный, егоже клещами взят от жертвенника. И прикоснуса устом моим, и рече: се прикоснуса сие устнам твоим, и отымет беззакония твоя, и грехи твоя очистит. И слышах глас Господа глаголющаго: кого послю, и кто пойдет к людем сим? И рекох: се аз есмь, посли мя. И рече: иди, и рцы людем сим: слухом услышите, и не уразумеете, и видяще узрите, и не увидите. Одебеле бо сердце людей сих, и ушима своима тяжко слышаша, и очи своя смежиша, да не како увидят очима, и ушима услышат, и сердцем уразумеют, и обратятся, и исцелю я. И рекох: доколе, Господи? И рече: дондеже аще запустеют гради, от еже не пожити: и доми, от еже не быти человеком, и земля оставлена будет пуста. И по сих продолжит Бог человеки, и умножатся оставльшиися на земли.

Пророчества Исаина чтение. [Глава 19.]

Се Господь седит на облаце легце, и приидет во Египет, и сотрясутся рукотворенная Египетская от лица Его: и сердце их умалится в них. И смятется дух их в них, и совет их разорит. И предаст Египта в руки господей, зане сия глаголет Господь Владыка Святыи Саваоф: Пиют египтяпе воду яже при мори, Река же оскудеет и изсхнет. Сия глаголет Господь: где суть ныне премудрии твои? да возвестят ти, и да рекут тебе, что совеща Господь Саваоф на Египта. В день он будут египтяне в страсе и трепете, от лица руки Господа Саваофа, юже Он возложит на них. И будет олтарь Господень в стране Египетстей, и столп в пределех его Господеви. И будет в знамение в веки Господу Саваофу, в стране Египетстей: яко воззовут ко Господу, и послет им Господь человека, иже спасет их. И ведом будет Господь египтяном, и познают египтяне Господа в день он, и сотворят жертву и дар, и помолятся, и воздадят обеты своя Господеви.

На литии стихиры самогласны, глас 1. [Анатолия:]

Ветхий деньми, Иже закон древле в Синаи дал Моисею, / днесь Младенец видится, / и по закону, яко закона Творец, / закон исполняя, во храм приносится, / и старцу дается. / Прием же Сего Симеон праведный, / и обещаний сбытие видел совершаемое, / радостно вопияше: / видеша очи мои, еже от века таинство сокровенное, / напоследок дний сих явльшееся, / свет разоряя неверных языков омрачение, / и славу дая новоизбранну Израилю. / Темже отпусти раба Твоего от союз сея плоти, / к нестареемому и чудному некончаемому животу, / подая мирови велию милость.

[Иоанна монаха:] Днесь древле Моисею в Синаи закон подавый, / законным повинуется велением, / нас ради яко милосерд по нам быв. / Ныне Чистый Бог, яко Отроча Свято, / ложесна разверз Чистыя, / Себе Самому яко Бог приносится, / законныя клятвы свобождая, / и просвещая души наша.

Глас 2.

[Андреа Пирра:] Емуже вышнии служителие с трепетом молятся, / долу ныне Симеон вещными руками прием, / Бога человеком соединитися проповеда, / и Человека небесна Бога видяй, / отлучаяся сущих на земли радостно зываше: / Иже во тьме сущим / невечерний свет открываяй, / Господи слава Тебе.

[Германово:] Днесь Симеон на руки Господа славы подъемлет, / Егоже под мраком первее Моисей виде, / на горе Синайстей скрижали дающа ему:/ Сей есть, Иже во пророцех глаголяй, / и закона Творец. / Сей есть, Егоже Давид возвещает: / Иже всем страшный, / имей велию и богатую милость.

Священнаго священная Дева принесе / во святилище святителю, / простер же руце Симеон / прият Сего радуясь, и возопи: / ныне отпускаеши раба Твоего, Владыко, / по глаголу Твоему, с миром, Господи.

Зиждитель небесе и земли на руках ношашеся, / святым Симеоном старцем днесь: / той бо Духом Святым глаголаше: / ныне свободихся, видех бо Спаса моего.

[Анатолия:] Днесь Симеон старец во храм входит, / радуясь духом, / Законодавца Моисеева, / и исполнителя закона на руки восприяти. / Он убо мраком и гласом неявленным боговидец сподобися быти, / покровенным лицом евреев неверная сердца изблочи: / сей же первовечное Слово Отчее воплощенное понесе, / и языком откры свет, Крест и Воскресение: / и Анна пророчица показася, / Спаса Избавителя Израилю проповедаючи. / Тому возопиим Христу Богу нашему: / Богородицы ради помилуй нас.

Слава, глас 5.

[Андреа Критскаго:] Испытайте Писания, / якоже рече во Евангелиих Христос Бог наш: / в них бо обретаем Того раждаема, / и пеленами повиваема, / в яслех полагаема, и млеко питаема, / обрезание приемлюща, и Симеоном носима, / не мнением, ни привидением, / но истиною мирови явльшася. / К Немуже возопиим: / превечный Боже, слава Тебе.

И ныне, глас тойже.

[Германово:] Ветхий деньми младенствовав плотию, / Материю Девою в церковь приносится, / Своего закона исполняя обещание. / Егоже Симеон приим глаголаше: / ныне отпускаеши с миром, / по глаголу Твоему, раба Твоего: / видеша бо очи мои спасение Твое Святей.

На стиховне стихиры, глас 7. Космы монаха:

Украши твой чертог, Сионе, / и подыми Царя Христа, / целуй Марию, Небесную Дверь: / Та бо престол Херувимский явися, / Та носит Царя Славы. / Облак света есть Дева, / носящи на руках Сына прежде денницы, / Егоже прием Симеон на руки своя, / проповедуя людям Владыку / Сего быти живота / и смерти и Спаса миру.

Стих: Ныне отпускаеши раба Твоего, Владыко, * по глаголу Твоему, с миром.

Возсиявшего прежде век от Отца, / напоследок же от ложесн Девических носящи / в церковь неискусобрачная Мати, / в Синайстей горе Законоположившаго, / повелению законному повинующая принесе / святителю старцу и праведнику, / Христа Господа видети обещанна. / Егоже прием Симеон на руки своя, / возрадовася, вопия: Бог есть Сей, / Отцу Соприсносущный, / Избавитель душ наших.

Стих: Свет во откровение языков * и славу людей Твоих Израиля.

Носимаго на колеснице Херувимстей / и Певаемаго в песнях Серафимских / носящи на руку Богородица Мария, / неискусобрачно из Нея Воплощшагося, / Законодавца, закона исполняюща чин, / подаяше рукам старца иерея. / Живот же носяй живота прошаше разрешения, глаголя: / Владыко, ныне отпусти мя возвестити Адаму, / яко видех непреложна Отроча, / Бога Превечнаго и Спаса мира.

Слава, и ныне, глас 8. Андреа Критскаго:

Иже на Херувимех носимый / и певаемый от Серафим, / днесь в Божественное святилище по закону приносим, / на старческих, яко на престоле сedit руках / и от Иосифа приемлет дары Боголепно, / яко супруг горличиц, нескверную Церковь / и от язык новоизбранныя люди, / голуби на же два птенца, / яко Начальник Ветхаго же и Новаго. / Еже к Нему обещания Симеон конец прием, / благословя Деву Марию Богородицу, / страстей образы, Иже из Нея, / провозгласи и от Него прошаше отпущения, вопия: / ныне отпусти мя, Владыко, / якоже прежде возвести ми, / яко видех Тя, Первочнаго Света и Спаса Господа / христоименитым людем.

Таже, Ныне отпускаеши:

Трисвятое и по Отче наш:

На благословении хлебов тропарь праздника трижды:

Тропарь, глас 1:

Радуйся благодатная Богородице Дево, / из Тебе бо возсия Солнце правды Христос Бог наш, / просвещаяй суция во тьме: / веселися и ты старче праведный,

/ приемый во объятя Свободителя душ наших, / дарующаго нам воскресение.

И чтение.

НА УТРЕНИ,

на Бог Господь, тропарь трижды.

По 1-м стихословии седален, глас 1. Самоподобен:

Лик ангельский да удивится чудеси: / земнии же гласы возопием пение, / зряще неизреченное Божие низхождение: / Егоже бо трепещут небесныя силы, / ныне старчи объемлют руце / Единого Человеколюбца.

Слава, и ныне, тойже.

По 2-м стихословии седален, глас 1.

Подобен: Лик ангельский:

Сый со Отцем на престоле святем, / пришед на землю от Девы родися, / и Младенец бысть леты сый неописан, / Егоже приим Симеон на руки, / радуяся глаголаше: / ныне отпускаеши Щедре, / возвеселив раба Твоего.

Слава, и ныне, тойже.

По полиелеи седален, глас 4.

Подобен: Удивися Иосиф:

Младенствуеши мене ради, Ветхий деньми: / чищением приобщаешия, / чистейший Боже, / да плоть увериши мне юже от Девы. / И сим Симеон поучаяся, / позна Тя Бога являшагося плотию. / И яко жизнь лобзаше, и радуяся старчески / взываше: / отпусти мене, / Тебе бо видех Живота всяческих.

Слава, и ныне, тойже.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящий Сиона, / посрамится от Господа, / яко трава бо огнем / будете изсохше.

Слава И ныне: / Святым Духом / всяка душа живится, / и чистотою / возвышается, / светлеется Троическим Единством священнотайне.

Прокимен, глас 4:

Прокимен: Помяну имя Твое * во всяком роде и роде.

Стих: Отыгну сердце мое слово благо:

Всякое дыхание:

Евангелие Луки, зачало 8. [Лк. 2, 25 – 32.]

Бѣ чловѣкъ во іерлѣмѣ, емѣже ѿмѣ сѹмеѡнъ. И чловѣкъ сѣй прѣвнъ и бѣгочѣивъ, чѣл оутѣхѣ и ѿлевы: и дѣхъ бѣ стѣ въ нѣмъ. И бѣ емѣ ѡбѣщѣнно дѣхомъ

сѣмъ, не видѣти смѣрти, прѣжде даже не видитъ хрѣта гднѣ. **И** прїиде дѣхомъ въ церковь. **И** егда введоста родителѣ отрочѣ іиса, сотвориши ѿма по ѿбвѣчаню законномъ ѿ немъ, и тои прїемъ его на рѣкъ своєю, и благослови вѣа, и рече: ннѣ ѿпдѣиши раба твоего, вѣко, по глгобѣ твоемѣ, съ миромъ: ѿкъ видѣстѣ очи мои спнїе твоє, еже еси ѡготобилъ прѣдъ лицемъ всѣхъ людїи: свѣтъ во ѿкровенїе ѿзыкомъ, и слава людїи твои хъ іилѣ.

По 50-м псалме стихира, глас 6:

Да отверзется дверь небесная днесь: / безначальное бо Слово Отчее, / начало приим под леты, / не отступль Своего Божества, / от Девы яко Младенецъ четырехднєвен, / Материю вольне приносится / в церковь законную: / и Сего на руки приемлет старец, / отпусти зовый раба Владыко: / ибо очи мои видеста спасение Твое. / Пришедый в мир спасти род человекъ, / Господи слава Тебе.

Канон, глас 3. Егоже краестрочие: Христа радостне старецъ объемлет.

Творение господина Космы. Ирмосы по дважды, тропари на 12:

Песнь 1.

Ирмос: Сушу глубородительную землю солнце / нашествова иногда, яко стена / бо огусте обаполы вода, / людем пешомореходящим, / и богоугодно поющим: / поим Господеви, славно бо прославися.

Да каплют воду облацы, Солнце бо на облаце легче носимо настало есть, на нетленную руку, Христос в церкви, яко Младенецъ. Темже вернии возопиим: поим Господеви, славно бо прославися.

Крепитеся руце Симеони старостию ослабленнии, лыста же претружденная старча, правобыстро движитася Христу на сретение, лик со безплотными составльше, поим Господеви, славно бо прославися.

Разумом простертая небеса веселитася, и радуйся земле: из пребожественныхъ бо недр хитрецъ прошедъ Христос, Материю Девую Богу Отцу приносится Младенецъ, Иже прежде всехъ: славно бо прославися.

Катавасия: Сушу глубородительную землю солнце / нашествова иногда, яко стена / бо огусте обаполы вода, / людем пешомореходящим, / и богоугодно поющим: / поим Господеви, славно бо прославися.

Песнь 3.

Ирмос: Утверждение на Тя надеющихся, / утверди Господи Церковь, / юже стяжал еси / честною Твоею кровию.

Перворожден из Отца прежде век, перворожден Младенецъ из Девы Нетленной, Адаму руку простирая явися.

Младоумна бывша прелестию первозданнаго, паки исправляяй Бог Слово, младенствовавъ явися.

Земли исчадие, паки потекшее в ню, Божества сообразное естество

Зиждитель, яко непреложне, младенствовав яви.

Катавасиа: Утверждение на Тя надеющихся, / утверди Господи Церковь, / юже стяжал еси / честною Твоею кровию.

Седален, глас 4.

Подобен: Удивися Иосиф:

На горе Синайстей древле виде Моисей / задняя Божия, / и тонкий Божественный глас сподобися во мраце же / и вихре слышати: / ныне же Симеон воплощенного Бога, / непреложне нас ради, / на руки прият, и радостно тщася ити от сущих zde / к животу вечному. Темже вопияше: / ныне отпускаеши раба Твоего, Владыко.

Слава, и ныне, тойже.

Песнь 4.

Ирмос: Покрыла есть небеса добродетель Твоя Христе, / из Кивота бо прошел, / Святыни Твоя нетленные Матере, / в храме славы Твоя явился еси, / яко Младенец руконосимъ: / и исполнишася вся Твоего хваления.

Радуйся Симеоне, неизреченных таинниче, Богородица вопияше, о Немже от Святаго древле известися тебе Духа, младенствовавшего Слова Христа на руки приими, зовый Ему: исполнишася вся Твоего хваления.

На Негоже уповал еси Симеоне, возраст детищный радуяся подыми Христа, Израиля Божественного утешение, закона Творца и Владыку, исполняющего закона чин, зовый ему: исполнишася вся Твоего хваления.

Видя Симеон Слово Безначальное, с плотию яко на престоле херувимстем Девою носимо, Виновнаго еже быти всяческих, яко Младенцу дивяся вопияше Ему: исполнишася вся Твоего хваления.

Катавасиа: Покрыла есть небеса добродетель Твоя Христе, / из Кивота бо прошел, / Святыни Твоя нетленные Матере, / в храме славы Твоя явился еси, / яко Младенец руконосимъ: / и исполнишася вся Твоего хваления.

Песнь 5.

Ирмос: Яко виде Исаиа образно на престоле превознесена Бога, / от ангел славы дориносима, / о окаянный вопияше аз: / провидех бо воплощаема Бога, / Света невечерня, / и миром владычествующа.

Разумев Божественный старец проявленную древле пророку славу, руками Слово зря Матерними держимо: о радуйся вопияше Чистая, яко престол бо держиши Бога, Света невечерня, и миром владычествующа.

Поклонься старец, и стопам Божественне прикоснувся Неискусобрачныя и Богоматере: Огнь рече носиши Чистая, Младенца боюся объяти Бога, Света невечерня, и миром владычествующа.

Очищается Исаиа от серафима уголь прием, старец вопияше Богоматери: Ты якоже клещами руками просвещаеши мя, подавши Егоже носиши, Света

невечерня, и миром владычествующа.

Катавасиа: Яко виде Исаиа образно на престоле превознесена Бога, / от ангел славы дориносима, / о окаянный вопияше аз: / провидех бо воплощаема Бога, / Света невечерня, / и миром владычествующа.

Песнь 6.

Ирмос: Возопи к Тебе видев / старец очима спасение, / еже людем прииде от Бога: / Христе Ты Бог мой.

Сиону Ты камень возложился еси, непокоривым претыкание, и соблазна камень: нерушимое верных спасение.

Известне нося начертание, иже прежде век Тя израстившаго, земных за милосердие ныне немощию обложися.

Сыну Вышняго, Сыну Девы, Богу Отрочати бывшему, поклоншася Тебе ныне отпусти с миром.

Катавасиа: Возопи к Тебе видев / старец очима спасение, / еже людем прииде от Бога: / Христе Ты Бог мой.

Кондак, глас 1.

Утробу Девичу освятивый рождеством Твоим, / и руце Симеони благословивый, / якоже подобаше предварив, / и ныне спасл еси нас Христе Боже: / но умири во бранех жительство, / и укрепи верныя люди Твоя, / ихже возлюбил еси, Едине Человеколюбче.

Икос: К Богородице притецем, хотящии Сына Ея видети, к Симеону носима, Егоже с небесе безплотнии видяще, дивляхуся глаголюще: чудная зрим ныне и преславная, непостижимая, несказанная. Иже бо Адама создавый, носится яко Младенец: Невместимый вмещается на руках старчих: Иже в недрах неописанных сый Отца Своего, волею описуется плотию, а не Божеством, Един Человеколюбец.

Песнь 7.

Ирмос: Тебе во огни оросившаго отроки богословившия, / и в Деву нетленну всельшагося, / Бога Слова поим, / благочестно поюще: / благословен Бог отец наших.

Адаму известити хотяй иду, во аде живущу, и Еве принести благовестие, Симеон вопияше, со пророки ликуя: благословен Бог отец наших.

Рода земна избавляяй Бог, даже до ада приидет: пленным же подаст всем оставление, и прозрение слепым, яко и немым вопити: благословен Бог отец наших.

И Твое сердце нетленная, оружие пройдет, Симеон Богородице провозгласи, на кресте зрящи Твоего Сына, Емуже вопием: благословен Бог отец наших.

Катавасиа: Тебе во огни оросившаго отроки богословившия, / и в Деву нетленну всельшагося, / Бога Слова поим, / благочестно поюще: / благословен Бог отец наших.

Песнь 8.

Ирмос: Нестерпимому огню соединившися, / благочестия предстояще юноши, / пламенем же невреддени, / божественную песнь пояху: / благословите вся дела Господня Господа, / и превозносите во вся веки.

Людие Израилевы, Твою славу Еммануила, зряще Отроча из Девы, пред лицем Божественнаго ковчега ныне ликуйте: благословите вся дела Господня Господа, и превозносите во вся веки.

Се Симеон вопияше, пререкаемое знамение Сей будет, Бог сый Отроча. Сему вернии возопиим: благословите вся дела Господня Господа, и превозносите во вся веки.

Живот сый, Сей будет падение непокоривым, младенствовав Бог Слово, яко востание всем верою поющим: благословите вся дела Господня Господа, и превозносите во вся веки.

Катавасия: Нестерпимому огню соединившися, / благочестия предстояще юноши, / пламенем же невреддени, / божественную песнь пояху: / благословите вся дела Господня Господа, / и превозносите во вся веки.

Припевы на девятой песни.

Богородице Дево, упование христианом, покрый, соблюди и спаси на Тя уповающих.

Богородице Дево, миру благая помощнице, покрый и соблюди от всякия нужды и печали.

Богоносе Симеоне, прииди подыми Христа, Егоже роди Дева Чистая Мариа.

Объемлет руками старец Симеон Содетеля закона, и Владыку всяческих.

Не старец Мене держит, но Аз держу его: той бо от Мене отпущения просит.

Клеще таинственная, како уголь носиши? Како питаеши Питающаго вся.

О дщи Фануилева! Прииди стани с нами, и благодари Христа Спаса Сына Божия.

Анна целомудренная провещает страшная, исповедающи Христа, Творца небу и земли.

Непостижимо есть содеянное о Тебе ангелом и человеком, Мати Дево Чистая.

Чистая голубица, нескверная агница, Агнца и Пастыря приносит в церковь.

О Христе всех Царю! Победы на враги верным рабом Твоим даруй.

О Христе всех Царю! Подаждь ми слезы теплы, да плачу мою душу, юже зле погубих.

Вместо Слава:

Трисиятельное и Триипостасное Божество благочестно да похвалим.

Вместо И ныне:

**О Девине Марие! Просвети мою душу, помраченную люте житейскими
сластями.**

**Ведомо да будет, яко два сущия припевы в начале, припеваем ко ирмосу.
Таже к коемуждо тропарию припеваем по 4 припевы. И по совершении 14
припевов с тропари, к катавасии поем оба лика вкупе припев 1-й:**

**Богородице Дево, упование христианом, покрый, соблюди и спаси на Тя
уповающих.**

Песнь 9.

**Ирмос: В законе сени и писаний образ видим вернии: / всяк мужеский
пол, ложесна разверзая, свят Богу. / Тем перворожденное Слово Отца
безначальна, / Сына первородящаяся / Материю неискусомужно, величаем.**

**Иже древним новорожденных горлицищ супруг, двоица же бяше птенцев, в
нихже место божественный старец, и целомудренная Анна пророчица, от Девы
Рожденному, и Сыну Единородному Отчу, в церковь приносиму, служат
величающе.**

**Воздал еси мне, вопияше Симеон, спасения Твоего Христе радование,
восприими Твоего служителя, сению претружденнаго, новая благодати
священнопроповедника тайнаго, во хвалении величающа.**

**Священнолепно исповедашеся Анна прорицающи, целомудренная и
преподобная, и старица Владыце, в церкви явственно: Богородицу же
проповедающи всем сущим величаше.**

**Катавасия: В законе сени и писаний образ видим вернии: / всяк
мужеский пол, ложесна разверзая, свят Богу. / Тем перворожденное Слово
Отца безначальна, / Сына первородящаяся / Материю неискусомужно,
величаем.**

Светилен самоподобен:

**Духом во святилици представ старец, на руки восприят закона Владыку,
вопия: ныне союз мя плотских разреши, якоже рекл еси, с миром: видех бо очима
откровение языков, и Израилю спасение. [Трижды.]**

На хвалитех стихиры на 4, глас 4.

Подобен: Дал еси знамение:

**Закон иже в Писании, / исполняя Человеколюбец, / в церковь ныне
приносится, / и Сего приемлет старыми руками Симеон старец, / ныне отпускаеши
мя вопия, / ко оному блаженству: / видех бо Тя днесь плотию мертвенною
обложеннаго, / животом господствующа, / и смертию владычествующа.
[Дважды.]**

**Свет во откровение языков, явился еси Господи, / на облаце сидя легце, /
Солнце правды, закона сеновное исполняя, / и начало изъясняя новыя благодати. /
Тем Тя видев Симеон взываше: / из истления мя разреши, яко видех Тя днесь.**

Недр Родителя не отлучься Божеством, / воплощься якоже изволил еси, /

объятиями держимъ Приснодевы: / на руки подался еси Богоприимца Симеона, /
рукою Твоею держай всяческая. / Темже ныне отпускаеши мя, / радостно
взываше, / в мире раба Твоего, яко видех Тя Владыко.

Слава, и ныне, глас 6. Германово:

На руках старческих во днешний день, / яко на колеснице херувимстей, /
восклонитися благоизволивый Христе Боже, / и нас поющих Тя, / страстей
мучительства призываемый избави, / и спаси яко Человеколюбец.

Славословие великое.

По Трисвятом ектении, тропарь праздника и отпуст,

На 1-м часе тропарь праздника.

По Отче наш, кондак праздника, и прочее, и совершенный отпуст.

НА ЛИТУРГИИ

Блаженна от канона праздника, песнь 3-я и 6-я.

1. **П**ерворожден из Отца прежде век, перворожден Младенец из Девы Нетленные, Адаму руку простирая явися.
2. **М**ладоумна бывша прелестию перевозданнаго, паки исправляй Бог Слово, младенствовав явися.
3. **З**емли исчадие, паки потекшее в ню, Божества сообразное естество Зиждитель, яко непреложне, младенствовав яви.
4. **С**иону Ты камень возложился еси, непокоривым претыкание, и соблазна камень: нерушимое верных спасение.
5. **И**звестне нося начертание, иже прежде век Тя израстившаго, земных за милосердие ныне немощию обложися.
6. **С**ыну Вышняго, Сыну Девы, Богу Отрочати бывшему, поклоншася Тебе ныне отпусти с миром.

Входное: **С**каза **Г**осподь спасение **С**вое, **п**ред **а**зыхи **о**ткры **п**равдѣ **С**вою.

Таже тропарь праздника.

Тропарь, глас 1:

Радуйся благодатная Богородице Дево, / из Тебе бо возсия Солнце правды Христос Бог наш, / просвещающий суция во тьме: / веселися и ты старче праведный, / приемый во объятия Свободителя душ наших, / дарующаго нам воскресение.

Слава, и ныне: Кондак, глас 1.

Утробу Девичу освятивый рождеством Твоим, / и руце Симеони благословивый, / якоже подобаше предварив, / и ныне спасл еси нас Христе Боже: / но умири во бранех жительство, / и укрепи верныя люди Твоя, / ихже возлюбил еси, Едине Человеколюбче.

Прокимен, глас 3, песнь Богородицы:

Прокимен: **В**еличит **д**ѣша **М**оѣ **Г**оспода, * и **в**озрадовасѣ **д**ѣх **М**ой **о** **Б**озе **С**пасе **М**оѣм.

Стих: **ѿ**ко **п**ризре **на** **с**мирение **ра**бы **С**воеѣ, **се** **во** **о**тныне **ѡ**блажат **М**ѣ **в**си **р**оди.

Апостол ко Евреем, зачало 316. [Евр. 7, 7 – 17.]

Брѣтїе: **в**езъ **в**сѣкагѡ **же** **п**рекослѡвїѧ **м**ѣншее **ѡ** **б**олшагѡ **б**лгослѡвїѧетсѧ. **И** **з**дѣ **ѡ**убѡ **д**есѧтїны **ч**елѡвѣцы **ѡ**умирающїи **п**рїѣмлютъ: **т**ѧмѡ **же** **с**видѣтельствѡемый, **ѿ**кѡ

жѣвъ ѣсть. **И** да сѣце рекѣ, авраамомъ и левѣи, прѣемлай десѣтѣны, десѣтѣны далъ ѣсть: ещѣ бо въ чрѣслѣхъ оучѣихъ бѣше, егда срѣте егѡ мелхѣседѣкъ. **А**ще оубо совершенство левѣтскимъ свѣщенствомъ бѣло, людѣе бо на немъ законени бѣша: каа ещѣ потреба по чинѣ мелхѣседѣковѣ иномѣ востати свѣщенникѣ, а не по чинѣ аароновѣ глаголатисѣ; прелагаемъ бо свѣщенствѣ, по нѣжди и законѣ преименѣе вываѣтъ. ѡ немже бо глаголетсѣ сѣл, колѣнѣ иномѣ причастисѣ, ѡ негѡже никтоже пристѣпи ко олтарю: ѣвѣ бо, ѣкѡ ѡ колѣна ідова возсѣл гдѣ нашъ, ѡ немже колѣнѣ мѡисѣи ѡ свѣщенствѣ ничесѡже глагола. **И** лишше ещѣ ѣвѣ ѣсть, ѣкѡ по подобѣю мелхѣседѣковѣ востаѣтъ сѣщенникъ ѣнъ, ѣже не по законѣ заповѣди плотскѣа выстъ, но по силѣ живота неразрѣшаемаго. **С**видѣтельствѣтъ бо, ѣкѡ ты еси сѣщенникъ во вѣкъ по чинѣ мелхѣседѣковѣ.

Аллилуиа, глас 8: Ныне отпѣцаеши раба Твоего Владыко, по глаголю Твоемѣ с миром.

Стих: Свет во откровенне ѡзыков, и славѣ людѣи Твоихъ Израилѣ.

Евангелие Луки, зачало 7. [Лк. 2, 22 – 40.]

Егда испѡлнишасѣ днѣе ѡчищенѣа егѡ, по законѣ мѡисѣевѣ, вознесѡста егѡ во іерѣлимъ, поставити егѡ предъ гдѣемъ, ѣкоже ѣсть писано въ законѣ гдѣни: ѣкѡ всѣкъ младенецъ мѣжеска полѣ, разверзѣа ложеснѣ, сѣо гдѣви наречѣтсѣ: и ѣже дѣти жертвѣ, по рѣченномѣ въ законѣ гдѣни, двѣ гѡрлицѣа или двѣ птенцѣа голѣбѣина. **И** сѣ, вѣ челоѣкъ во іерѣлимѣ, емѣже ѣма сѣмѣѡнъ. **И** челоѣкъ сѣи прѣвнъ и блгѡчѣтивъ, чѣа оутѣхи иѣлевы: и дѣтъ вѣ сѣтъ въ немъ. **И** вѣ емѣ ѡѣщѣанно дѣхомъ сѣымъ, не видѣти смѣрти, прѣжде даже не видѣтъ хрѣта гдѣна. **И** прѣидѣ дѣхомъ въ цѣрковь. **И** егда введѡста родѣтелѣ отрѡчѣа иѣса, сотворѣти ѣма по ѡѣчыаю законномѣ ѡ немъ, и той прѣемъ егѡ на рѣкъ своѣю, и блгѡсловѣ бѣа, и речѣ: нѣѣ ѡѣщѣаеши раѣа твоегѡ, вѣко, по глаголю твоемѣ, съ миромъ: ѣкѡ видѣстѣѣ очѣи моѣ спѣнѣе твоеѣ, ѣже еси оугѡтовалъ предъ лицѣмъ всѣхъ людѣи: свѣтъ во ѡкровѣнѣе ѣзыкѡмъ, и славѣ людѣи твоихъ иѣла. **И** вѣ іѡсѣфъ и мѣри егѡ чдѣцѣа ѡ глаголемыхъ ѡ немъ. **И** благословѣ ѣ сѣмѣѡнъ, и речѣ къ мѣри мѣри егѡ: сѣ, лежитъ сѣи на падѣнѣе и на востѣнѣе многѣмъ во иѣли, и въ знѣменѣе прерѣкаемо: и теѣѣ же самѡй дѣшѣ прѡйдетъ ордѣжѣе: ѣкѡ да ѡкрыютсѣ ѡ многѣхъ серѣцѣ помышленѣа. **И** вѣ ѣнна прѣрѡчица, дѣи фанѣилѣа, ѡ колѣна асѣрова: сѣл замѣторѣвши во днѣхъ многѣхъ, жѣвши съ мѣжемъ сѣдѣмъ лѣтъ ѡ дѣвства своегѡ: и тѣа вдова ѣкѡ лѣтъ

Осми́десѣтъ и́ четы́ре, ѿже не ѿхождаше ѿ цѣркве, постѡмъ и́ моли́твами си́дѣщи дѣнь и́ но́щь. **И** тѣ въ тѡй часъ пристѣвши исповѣдашесѧ гдѣви и́ глаго́лаше ѡ́ немъ всѣмъ ча́ющымъ избавлѣнїѧ во іеру́сали́мѣ. **И** ѿкѡ сконча́шасѧ всѧ по зако́нѣ гдню, возврати́шасѧ въ гали́лею, во гра́дъ сво́й назарѣтъ. **О**троча́ же растѣше и́ крѣпи́шесѧ дѣломъ, исполна́шасѧ премудрости: и́ бл҃гѡтъ вѣѣ на́ немъ.

Прича́стен: Чашѣ спасениѧ приимѣ, и́ имѧ Господне призовѣ.

Ведомо буди, яко аще случится праздник Сретения Господня в неделю, прежде Недели мытаря и фарисея, зри всея службы вечер и утро, и литургии, септемвриа во 8 день, точно катавасия праздника. Аще же прилучится праздник Сретения Господня в кийлюбо день Недели мытаря и фарисея, или блуднаго, или мясопустныя, или сыропустныя: устав зри в Триодионе или Типице.